



partii naleraq

UKA 2016/029-01

21-09-2016

Qitiusumik Suliffeqarfinnik Nalunaarsuiffimmi nalunaarsuisarneq pillugu Inatsisartut inatsisaat nr. xx, yy 2016-imeersoq.

(Inuussutissarsiornermut, Suliffeqarnermut Niuernermut Nunanullu Allanut Naalakkersuisoq)

Qitiusumik Suliffeqarfinnik Nalunaarsuiffimmi nalunaarsuisarneq pillugu Inatsisartut inatsisaat nr. xx, yy 2016-imeersoq partii Naleqqamiit imannak oqaaseqarfigissuarput.

CER-imiit CVR-imut ikaarsaariarnissamut siunnersuut danskit Naalakkersuisuisa Nunatsinnilu Naalakkersuisut suliaq pillugu suleqatigiissitaliortoqarnissaanik isumaqatigiissuteqarnerat naapertorlugu, danskit Erhvervs- og Vækstminister-eqarfiata nunatsinnilu Inuussutissarsiornermut, Suliffeqarnermut Niuernermullu Naalakkersuisoqarfiup suleqatigiinnerisigut suliarineqarsimavoq.

Siunnersuut paasinarpoq suliffeqarfinnut pisariillisaataasinnaasutut takorloorneqartoq, minnerunngitsumik niuernikkut pissutsit maannakkutut itsillugit, tassa nioqqutissat amerlanerpaataat suli danmarkimiit tikisinneqartarmata.

Tassanilu kalaallit suliffeqaffeqarfiutaasa danski oqartussaasuinut qarasaasianut qarasaasiaq aqqutigalugu digitaliusumik nalunaaruteqarsinnaalernissaat siunertarineqarluni.

Malunginiarparput tusarniaanermi akileraartarnermut Aqutsisoqarfiup inassutigisimammagu NemID-ip digitalimillu ilisarnaatip atuutsilernissaanut inatsisissatut siunnersuut amingaateqannginnersoq misissorneqarnissa pillugu uparuaasimasoq, tassagoq inatsisissatut siunnersuummi tamanna ersarissarneqarsimangimmat.

Naalakkersuisut akissuteqarnerminni oqaatigaat, taanna pillugu danskit inatsisaanni allannguisoqartariaqassasoq.

Aamma eqqumiiginarpoq EU-p peqqussutaanisut taaguut “inatsisit naapertorlugit ingerlatsiviit” § 2-imi pineqartut tunngavilersorneqarsimammata, tassami naluneqanngitsutut nunarput EF-imiit 1985-imi aninikummat. Aperisariaqarpugullu sooq taamaappa ?

Siunnersuut 1. Januar 2018-imiit atuutilersinneqartussasut siunnersuutigineqarpoq, taamaammat suliap amingaateqanngitsumik naammassilluarneqarnissaa anguniarlugu siunnersuutip inatsisartut upernaakkut 2017-imi aappassanneerneqarnissaata imaluunniit pingajussaanneerneqarnissaata kinguartinneqarnissaa inassutingaarput.

Kisianni soorunami suliap appassaaneerneqannginnerani inatseqarnermut ataatsimiititaliami suliarineqarnissaa inassutingaarput.